

四庫全書

子部

欽定四庫全書

冊府元龜卷二百十六 宋 王欽若等 撰

閏位部

征伐

秦始皇元年晉陽反將軍蒙驁擊走之

二年庶公將卒攻卷斬首三萬

三年蒙驁攻韓取十三城十月攻魏氏暘有詭

四年拔暘有詭

五年將軍蒙驁攻魏定酸棗燕虛長平雍邱山陽城皆  
拔之取二十城

六年韓魏趙衛楚共擊秦取壽陵秦出兵五國罷拔衛  
迫東郡其君角率其支屬徙居野王阻其山以保魏之

河內

七年將軍蒙驁死以攻龍孤慶都

慶一作廕

還兵攻汲

八年始皇弟長安君成蟜將軍擊趙

九年攻魏垣蒲陽

十一年王翦桓齮楊端和攻鄴取九城王翦攻闕與潦

楊

在并州

皆並為一軍翦將十八日軍歸斗食以下

百石

有斗食佐史之秩

什推二人從軍取鄴安陽桓齮將

十三年桓齮攻趙平陽殺趙將扈輒斬首十萬

十四年桓齮攻趙軍於平陽取宜安破之殺其將軍桓

齮定平陽武城

十五年大興兵一軍至鄴一軍至太原取狼孟

太原有狼孟縣

十七年內史騰攻韓得韓王安盡納其地以其地為郡

命曰潁川

十八年大興兵攻趙王翦將上地下井陘

山名在常山今為縣端

和將河內羗癘伐趙端和圍邯鄲城

十九年王翦羗癘盡定取趙地東陽得趙王引兵欲攻燕屯中山趙公子嘉率其宗數百人之代自立為代王東與燕合兵軍上谷

二十年燕太子丹患秦兵至國恐使荆軻刺秦王秦王覺之體解軻以徇而使王翦辛勝攻燕燕代發兵擊秦

軍秦軍破燕易水之西

二十一年王賁攻薊乃益發卒詣王翦軍隨破燕太子軍取燕薊城得太子丹之首燕王東收遼東而王之

二十二年王賁攻魏引河溝灌大梁大梁城壞其王請降盡取其地

二十三年復召王翦強起之使將擊荆取陳以南至平

輿汝南有平輿縣虜荆王秦王游至郢陳荆將項燕立昌平君

為荆王反秦於淮南淮一作江

二十四年王翦蒙武攻荆破荆軍昌平君死項燕遂自  
殺

二十五年大興兵使王賁將攻燕遼東得燕王喜還攻  
代虜代王嘉王翦遂定江南地降越君置會稽郡

二十六年齊王建與其相后勝發兵守其西界不通秦  
秦使將軍王賁從燕南攻齊得齊王建

三十三年發諸常通亡人贅壻贅謂窮有子使就其婦家為贅壻賈人

略取陸梁地為桂林今鬱林是象郡今日南南海以適遣遣戍

五千萬人  
守五嶺

二世元年七月戍卒陳勝等反故荆地為張楚

張大楚國也

勝自立為楚王周文自言習兵勝與之將軍印西擊秦

行收兵至關車千乘卒十萬至戲軍焉

戲水名在新豐東

秦令

少府章邯免驪山徒人奴產子

奴產子猶今人云家生奴也

悉發以

擊楚軍大敗之周文走出關止屯曹陽

曹水之陽也其水出陝縣西南

峴顛山西北流入河今謂之好陽澗在陝縣西四十五里

二月餘章邯追敗之復走

澠池十餘日章邯擊破之周文自剄軍遂不戰



蜀先主章武三年三月漢嘉太守黃元以先主疾舉兵  
攻臨邛縣遣將軍陳胄討元元軍敗順流下江為其親  
兵所縛生致成都斬之

後主建興元年夏牂牁太守朱褒擁郡反先是益州郡  
有大姓雍闓反流太守張裔於吳據郡不賓越雋夷王  
高定亦皆叛

三年三月丞相諸葛亮南征四郡皆平

七年春丞相諸葛亮遣陳式攻武都陰平遂克定二郡

吳大帝黃武二年戲口守將晉宗殺將王直以衆叛如  
魏魏以為蕪春太守數犯邊境帝令將軍賀齊糜芳劉  
邵等襲蕪春郡等生虜宗

嘉禾三年八月以諸葛恪為丹陽太守討山越

四年夏遣呂岱討廬陵賊李桓等

赤烏元年春破之

六年二月以陸遜討鄱陽賊彭旦等其年皆殺之

赤烏二年十月將軍蔣祕南討夷賊祕所領都督廖式  
殺臨賀太守嚴綱等自稱平南將軍與弟潛共攻零陵

桂陽及搖動交州蒼梧鬱林諸郡衆數萬人遣將軍呂  
岱唐咨討之歲餘皆破

廢帝太平二年八月會稽南郡反殺都尉鄱陽新都民  
為亂廷尉丁密步兵校尉鄭曹將軍鐘離牧率軍討之

後主寶鼎元年十月永安山賊施但等聚衆數千人

永安

今武康縣劫後主庶弟永安侯謙屯烏程北至建鄴衆萬餘

人丁固諸葛靚逆之於牛屯大戰但等敗走

天紀三年夏合浦太守修允部曲督郭馬與部曲將何

典王族吳述殷興等攻殺廣州督虞授馬自號都督交

廣二州諸軍事興廣州刺史述南海太守典攻蒼梧族

攻始興八月以執金吾滕循循一作修假節領廣州牧率萬

人從東道討馬興族遇於始興未得前馬殺南海太守

劉略逐廣州刺史徐旗又遣徐陵督陶濬將七千人從

西道命交州牧陶璜部伍所領及合浦鬱林諸郡兵當

與東西軍共擊焉

未克而吳降  
晉循師遂還

宋文帝元嘉三年正月遣中領將軍到彥之征北將軍

檀道濟討荊州刺史謝晦擒之

孝武帝孝建元年二月豫州刺史魯爽車騎將軍江州  
刺史臧質丞相荊州刺史南郡王義宣襄州刺史徐道  
寶舉兵反遣佐衛將軍王玄謨大破之薛安都時為左  
軍將軍爽反帝遣安都及冗從僕射胡子反龍驤將軍  
宗越率步騎據歷陽爽遣將鄭德玄戍大岷德玄使前  
鋒楊胡與輕兵向歷陽安都遣宗越及歷陽太守程天  
祚逆擊破之斬胡與其軍副德玄復使其司馬梁巖

屯峴東安都幢主周文恭晨往偵候因而襲之悉擒賊  
未敢進世祖詔安都留三百人守厯陽度還采石遷輔  
國將軍竟陵內史四月魯爽使弟瑜卒三千人出小峴  
爽尋以大衆阻大峴又遣安都步騎八千度江與厯陽  
太守張幼緒等討爽安都軍副建武將軍譚金率數十騎  
挑戰斬其偏帥幼緒惟怯輒引軍退還安都復還厯陽  
臧質久不至世祖復遣沈慶之濟江督統諸軍爽軍食  
少引退慶之使安都率數騎追之四月丙戌及爽於小

峴奕自與腹心壯騎斷後譚金先薄之不能入安都望見爽便躍馬大呼直往刺之應手而倒左右范雙斬奕首奕累世梟猛生習戰陣咸云萬人敵安都獨單騎直入斬之而反時人皆云關侯之斬顏良不是過也

大明三年四月司空南充州刺史竟陵王誕據廣陵反以沈慶之為車騎大將軍開府儀同三司南充州刺史

討之八月己巳克廣陵城斬誕

初慶之至廣陵誕遣客慶之宗人沈道愍贖書

說慶之餉以玉環刀慶之道道愍反數以罪惡慶之至城下誕登樓謂之曰沈君白首之年何為來此慶之曰

朝廷以君狂愚不足勞少壯故使僕來爾誕又餉慶之食提挈者百餘人出自北門慶之不聞悉焚之誕於城上投函表倩慶之為送慶之曰我奉詔討賊不得為汝送表汝必歸允朝廷自應開門遣使吾為汝送護之自

四月至七月  
乃屠城斬誕

明帝即位四方反遣龍驤將軍張興世領水軍拒南賊於赭圻築二城於湖口偽龍驤將軍陳慶領舸於前為遊擊軍興世率龍驤將軍佺長生董凱之攻克二城因擊慶慶戰大敗投水死者數千人時臺軍據赭圻南賊屯鵠尾相持久不決興世欲率所領直取大雷而軍



旅未集不足分張會薛索兒平定帝使張永以步騎  
五千留戍盱眙餘衆二萬人悉遣南討山陽又尋平徵  
阮佃夫所領諸軍悉還南伐衆軍大集乃分戰士七千  
配興世興世乃令輕舸泝流而上旋復迴還一二日中  
輒復如此使賊不為之備劉胡聞興世欲上笑之曰我  
尚不敢越彼下取揚州張興世何人欲輕據我上興世  
謂沈攸之等曰上流惟有錢谿可據地既險要江又甚  
狹去大衆不遠應赴無難江有洄洑船下必來泊岸有

橫浦可以藏船舸二三為宜乃夜渡湖口至散頭因復  
迴下以疑之其夜四更值風便舉帆直前賊亦遣胡靈  
秀諸軍於東岸相翼而上興世夕住景江浦宿賊亦不  
進夜潛遣黃道標領七十舸徑據錢谿營立城砦明日  
興世與軍齊集停一宿劉胡自領水步二十六軍平旦  
來攻將士欲迎擊之興世禁之曰賊來尚遠而氣盛夫  
驟驟既力盡盛亦易衰此曹劌之所以破齊也令將士  
不得妄動治城如故俄而賊來轉近舫入洄洑興世乃

命壽寂之任農夫率壯士數百擊之乃與衆軍相繼進  
胡於是敗走斬級數百投水者甚衆胡收軍而下時興  
世城壘未固司徒建安王休仁慮賊並力攻錢谿欲分  
其形勢命沈攸之吳喜佼長生劉靈遺等以皮艦二十  
攻賊濃湖苦戰連日斬獲千數是日劉胡果率衆軍欲  
更攻興世未至錢谿數十里袁顛以濃湖之急遽追之  
錢谿城砦繇此得立賊連戰轉敗興世又過其糧道尋  
陽遣運至南陵不敢下賊衆漸飢劉胡乃遣顛安北府

司馬偽右軍沈仲玉領千人步取南陵迎接糧運仲玉  
至南陵領米三十萬斛錢布數十舫豎榜為城規欲突過  
行至貴口不敢進遣間信報胡令遣重軍援接興世壽  
寂之任濃夫李安民等三千人至貴口擊之與仲玉相  
值交戰盡日仲玉走還顛營悉虜其資實賊衆大震胡  
棄軍遁走袁顛仍亦奔散

泰始元年十月冬晉安王子勛僭位於尋陽城帝遣散  
騎常侍領軍將軍王玄謨領水軍南討吳興太守張永

為其後繼又遣寧朔將軍尋陽內史沈攸之寧朔將軍  
江方興龍驤將軍劉靈貴率衆屯虎檻時東賊甚急張  
水江方興迴軍東討尚書下符曰夫晦明迭運崇替相  
泐帝造之基懋業維永聖祖重光氤氳上業狂昏承祀  
國難以柰毒流九縣覺穢三靈縉紳戮辱黔庶塗炭人  
神同憤朝野泣血聖上明睿在躬膺符握曜眷懷家國  
夙夜劬勞懼社稷湮蕪爨倫左衽天威電發氛沴冰消  
殄凶焦門不俟鳴條之旅殲虐牧野無勞孟津之鉞華

夷即晏晷緯還光鏗鏘間於管絃趨翔被於冠冕同軌  
仰化異域懷風劉子勛昏世稱兵義同翦惡明朝不戢  
罔識邪正窺窬畿甸逼遏兩江陵上無君暴於遐邇王  
赫斯怒興言討逆命彼上將治兵薄伐今遣寧朔將軍  
尋陽內史沈攸之輕銳七萬飛舟先邁龍驤將軍劉靈  
遣羽林虎旅連鋒繼進假節督南討前鋒諸軍事冠軍  
將軍兗州刺史殷孝祖驅濟河涇卒電擊雷動使持節  
車騎將軍江州刺史曲江縣開國侯王玄謨烝徒五萬

董統前師使持節侍中司徒揚州刺史建安王休仁擁  
神州之衆總督羣師龍驤將軍劉卹寧朔將軍劉懷珍  
步騎五千直指大雷寧朔將軍柳倫司州刺史龐孟虬  
淮頴突騎邪趣西陽使持節驃騎大將軍豫州刺史山  
陽王休祐總勒步師連旗百萬河舟代馬遄驚江潰越  
棘吳鈎交曜畿服笳鼓動坤維金甲震雲漢犄角相望  
水陸俱發冠軍將軍武念率擁司之銳已據樊沔徐州  
刺史申令孫提彭宗剽勇陸塗炎奮皇上當親馭六師

降臨江服旌旆掩雲舳艦咽海昔吳楚連衡燕淮勁悍  
塵擾區內聲沸秦中霧散埃滅豈非先鑒而嬰彼孤城  
以代該天之網迫此烏合以抗絡寓之師雲羅四掩霜  
鋒交集猶勁颼之拂細草烈火之掃寒原樵卷之形昭  
然已著朝廷惻愍我僚吏哀矜我士民並亦何辜拘誤  
迷黨故加宣示令得自新如其淪惑不改抵冒王威同  
焚既至雖悔奚補奉詔以四王幼弱不幸陷難交兵之  
日不得妄加侵犯若有逼損誅翦無貸左右主帥嚴相



衛奉註誤之罪一無所問

二年八月討平之

二年正月吳郡太守顧琛吳興太守王曇生義興太守劉延熙晉陵太守袁標山陽太守程天祚並舉兵反遣

鎮軍巴陵王休右統軍東討

二月討平之

後廢帝元徽二年五月江州刺史桂陽王休範舉兵反以中領軍劉劭右衛將軍蕭道成前鋒南討出屯新亭征北將軍張永屯白下前南兖州刺史沈懷明戍石頭南齊武帝永明八年八月荊州刺史巴東王子響反遣

丹陽尹蕭順之討之子響伏誅

海陵王延興元年九月晉安王子懋起兵遣中護軍王

玄邈討誅之

明帝永泰元年四月大司馬會稽太守王敬則舉兵反  
五月遣輔國將軍劉山陽率軍討斬之

東昏侯永元元年八月丙午揚州刺史始安王遙光據  
東府反遣領軍將軍蕭坦之致討尚書符遙光曰逆順  
之數皎然有徵干紀亂常刑茲罔赦蕭遙光宗室蚩庸

才行鄙薄緹裙可望天路何階受遇自昔恩加猶子禮  
絕帝體寵越皇季旗章車服窮千乘之尊闈隍夾堦踰  
百雉之制及聖后在天親受顧託託言在耳德音猶存  
侮蔑天明罔畏不義無君之心履霜有日遂乃稱兵內  
犯竊發京畿自古巨釁莫斯為甚今便分命六師弘宣  
九伐皇上當親御戎軒弘此廟略信賞必罰有如大江  
戊午斬遙光傳首

十一月太尉江州刺史陳顯達舉兵反於尋陽加護軍

將軍崔慧景平南將軍督衆南討斬之

二年正月詔討豫州刺史裴叔業二月以衛尉蕭懿為豫州刺史征壽春叔業病死

梁高祖天監元年五月戊子江州刺史陳伯之舉兵反以領軍將軍王茂為征南將軍江州刺史率衆討之

十年三月鄧暕以朐山引魏軍遣振遠將軍馬仙琕討之是月魏徐州刺史盧昶率衆赴朐山十二月仙琕大破魏軍克復朐山城

中大通二年八月山賊聚結寇會稽郡所部縣九月假  
超武將軍湛海瑜節以討之

大同十年妖賊王勤宗起于巴山郡以威遠將軍陳昕  
為宣猛將軍假節討平之

太清二年八月大將軍侯景舉兵反擅攻馬頭木柵荆  
山等戍以前將軍開府儀同三司邵陵王綸都督衆軍  
討景

元帝大寶元年九月侯景偽將任約寇西陽武昌遣左

衛將軍徐文盛右衛將軍陰子春太子右衛率蕭慧正  
雋州刺史席大獻等下武昌拒約

二年五月帝遣遊擊將軍胡僧祐信州刺史陸法和率

衆下秣陵任約敗景遂遁走以王僧辯為征東將軍開

府儀同三司尚書令胡僧祐為領軍陸法和為護軍將

軍仍令僧辯率衆追景所至皆捷

僧辯為鎮衛將軍侍  
中尚書令時湘州賊

陸納等攻破衡州刺史丁道貴於礫口盡收其軍實李  
洪雅又自零陵率衆出空陵灘稱助討納朝廷未達其  
心深以為慮乃遣中書舍人羅重歡徵僧辯上就拜驃  
騎將軍宜豐侯循南征僧辯因督杜顛率衆軍發於建

業師次巴陵詔僧辯為都督東上諸軍事驃騎霸先讓都督於僧辯不受故世祖分為東西都督而俱南討焉時納等下振車輪夾岸為城前斷水勢士率驍猛皆百戰之餘僧辯憚之不與輕進於是稍作連城以逼賊賊見不敢交鋒並懷懈怠僧辯因其無備命諸軍水步攻之親執旗鼓以誠進止於是諸軍競出大戰於車輪與驃騎循並力苦攻陷其二城賊大敗走步歸保長沙驅逼居民入城拒守僧辯追躡乃命築壘圍之悉令諸軍廣建圍柵僧辯出坐壘上而自臨視賊望識僧辯知不設偽賊黨吳藏李賢明等乃率銳卒千人開門掩出蒙楯並進遙趨僧辯時杜崩杜龕並侍左右帶甲衛者皆百餘人因下逆入與賊人交戰李賢明乘鎧馬從者十騎大呼衝突僧辯尚據胡牀不為之動於是指揮勇敢遂獲賢明而因即斬之賊乃退歸城內初陸納阻兵內逆以王琳為辭云朝廷若殺王琳納等自當降伏於是衆軍並進未之許也而武陵王擁衆上流內外駭懼世

祖乃遣琳和解  
之至是湘州平

陳武帝永定二年十月遣鎮南將軍開府儀同三司周  
文育都督衆軍出討余孝勵

文帝天嘉二年十一月東陽太守留異叛舉兵戍下淮  
及建德帝乃下詔曰昔四罪難弘大媯之所無赦九黎  
亂德少昊之所必誅自古皇王不貪征伐苟為時蠹事  
非獲已逆賊留異數應亡滅繕甲完聚繇來積年進謝  
羣龍自躍於千里退懷首鼠恒持於百心中歲密契番



禹既弘天網賜以名爵敦以國姻儻望懷音猶能革面  
王琳竊據中流翻相應接控引南川之嶺路專為東道  
之主人結附凶渠唯欣禍亂既妖氛盪定氣沮心孤類  
傷鳥之驚弦等窮獸之謀觸雖復遣家入質子陽之態  
轉適侍子還朝隗囂之心方熾朕志相成養不計疵慝  
披襟解帶敷喻殷勤蜂目彌彰梟聲無改遂置軍江口  
嚴戍下淮顯然反叛非可容匿且縉邦膏腴稽南殷曠  
永割王賦長壅國民竹箭良材絕望京輦荏苒小盜共

肆貪殘念彼餘甿兼其慨息西戎屈膝自歎重關秦國  
依風並輸侵地三邊已又四表咸寧唯此微妖所宜清  
殄可遣使持節都督南徐州諸軍事征北將軍司空南  
徐州刺史桂陽郡開國公侯安都指往擒戮罪止異  
身餘無所問先是晉安太守陳寶應娶留異女為妻侯  
安都之討異也寶應遣兵助之又資周迪兵糧出寇臨  
川及都督章昭達於東興南城破迪帝因命昭達都督  
衆軍繇建安南道渡嶺又命益州刺史領信義太守余

孝頃都督會稽東陽臨海永嘉諸軍自東道會之以討  
寶應並詔宗正絕其屬籍於是尚書下符曰告晉安士  
庶昔隴西旅拒漢不稽誅遼東叛渙魏申宏略若夫無  
諸漢之策勲有扈夏之同姓至於納吳淠之子致橫海  
之師違妣啓之命有甘誓之討况迺族不繫於宗盟名  
無紀於彛器而顯成三叛釁深四罪者乎案閩寇陳寶  
應父子卉服支孽本迷愛敬梁季喪亂閩隅阻絕父既  
豪俠扇動蠻馭椎髻箕坐自為渠帥無聞訓義所資姦

諂爰肆蜂豺俄而解印炎行方謝網漏吞舟日月居諸  
棄之度外自東南王氣實表聖基斗牛聚星允符王迹  
梯山航海雖若款誠擅割懷珍競致職貢朝廷遵養舍  
弘寵靈隆赫起家臨郡兼畫繡之榮裂地置州假藩麾  
之盛即封戶牖仍邑櫟陽乘華轂者十人保樊廬而萬  
石又以盛漢君臨推恩婁敬隆周朝會迺長滕侯繇是  
紫泥青紙遠賁恩澤鄉亭龜組頌及嬰孩自谷遷喬孰  
復為擬而包藏鴆毒敢行狼戾連結留異表裏周迪盟

軟婚姻自為唇齒屈疆山谷推移歲時及我鼓騎防山  
定秦望之西部戈船下瀨克滙澤之南川遂敢舉斧並  
助凶孽莫不應弦摧斲盡殪醜徒每以罪在首渠憫茲  
驅逼所收俘馘並勒矜放仍遣中使爰降詔書天網恢  
弘猶許改思異既走險迪又逃刑誑侮王人為之川藪  
遂使素熙請席遠歎頭行馬援觀蛙猶安井底至如過  
絕九賦剽掠四民闔境資財盡室封奪凡厥蒼頭皆略  
黔首蚤賊相扇叶契連蹤乃復踰超瀛溟冠擾浹口侵

軼嶺嶠掩襲迷城縛掠吏民焚燒官寺此而可縱孰不  
可容今遣沙州刺史俞文罔明威將軍程文季假節宣  
猛將軍成州刺史甘他假節雲旗將軍譚瑱假節宣猛  
將軍前監臨海郡陳思慶前軍將軍徐智遠明毅將軍  
宜黃縣開國侯慧紀開遠將軍新除晉安太守趙彖持  
節通直散騎常侍壯武將軍定州刺史康樂縣開國侯  
林馮假節信威將軍都督東討諸軍事益州刺史余孝  
頃率羽林二萬蒙衝蓋海乘跨滄波掃蕩巢窟此皆明

耻教戰濡須鞠旅累從楊僕亟走孫恩斬蛟中流命馮夷而鳴鼓龜鼉為駕轡方壺而建旗義安太守張紹賓忠誠款到累使求軍南康內史裴忌新除輕軍將軍劉峰東衡州刺史錢道戢並即遣人仗與紹賓同行故司空歐陽公昔有表奏請宣薄伐遙途意合若伏波之論兵長逝遺誠同子顏之勿赦征南薨謝上策無忘周南餘恨嗣子弗忝廣州刺史歐陽紇克符家聲聿遵廣略舟師步卒二萬分趨水扼長鯨陸掣封豕董率衡廣之師

會我六軍潼州刺史李膺明州刺史戴晃新州刺史區  
白獸壯武將軍修行師陳留太守張遂前安成內史闕  
慎前廬陵太守陸子隆前豫章太守任蠻奴巴山太守  
黃法慈戎昭將軍湘東公世子徐敬成吳州刺史魯廣  
達前吳州刺史遂興縣開國侯詳使持節都督征討諸  
軍事散騎常侍護軍將軍昭達率緹騎五千組甲二萬  
直度邵武仍頓晉安按轡揚旗夷山堙谷指期犄角以  
制飛走前宣威太守錢肅臨川太守駱牙太子左衛率



孫詡尋陽太守莫景隆豫章太守劉廣德並隨機鎮遏  
絡驛在路使持節散騎常侍鎮南將軍開府儀同三司  
江州刺史新建縣開國侯法氈戒嚴中流以為後殿斧  
鉞所臨罪唯元惡及留異父子其黨主帥雖有請泥函  
谷相背淮陰若能翻然改圖因機立効非止肆青仍加  
賞擢其建晉士民久被驅迫者大軍明加撫慰各安樂  
業流寓失鄉即還本土其餘立功立事已具賞格若執  
迷不改同惡趙趙斧鉞一臨罔知所赦昭達已克周迪

踰東興嶺頓於建安余孝頃又自臨海道襲于晉安寶  
應據建安之湖際逆拒王師水陸為柵昭達深溝高壘  
不與戰但命軍士伐木為簿俄而水盛乘流放之突其  
水柵仍水步薄之寶應亂身奔山草間窮而就執並其

子弟二十人送都斬于建康市

初留異據擁東陽安都奉詔率眾討之異本謂

臺軍繇錢塘江而上安都乃步繇會稽之諸暨出永康  
異大恐奔桃枝嶺處岩谷間於壘豎柵以拒王師安都  
作連城攻異躬自接戰為流矢所中血流至足安都乘  
輦麾軍容止不變因其山隴之勢迤而為堰天嘉三年  
夏潦水漲滿安都引船入堰起樓艦與異城等放拍碎  
其樓雉異與第二子忠臣脫身奔晉安虜其妻子盡收

其人馬甲仗  
振旅而歸

廢帝光大元年五月乙未安南將軍湘州刺史華皎謀  
反以中撫大將軍淳于量為使持節征南大將軍總率  
舟師以討之

宣帝太建元年十月新除左衛將軍歐陽紇據廣州舉  
兵反遣車騎將軍開府儀同三司章昭達率衆討之  
二年

二月擒  
斬之

東魏孝靜帝天平元年閏十二月梁高祖以元慶和為

魏王入據平瀨鄉遣尚書右僕射元晏為東南道行臺  
破走之

武定二年二月徐州人劉烏黑聚眾反遣行臺慕容紹  
宗討平之

五年二月司徒河南大行臺侯景降于梁以尚書左僕  
射慕容紹宗為東南道行臺與大都督高嶽潘相樂大  
破之

北齊武成帝河清元年七月太祖冀州刺史平秦王歸

彥據州反詔大司馬段韶司空婁睿討擒之斬歸彥並其二子黨與二十人于都市

梁太祖開平二年六月壬戌岳州為淮寇所據上以此郡五嶺三湘水流會合之地委輸商賈靡繇於斯遂令荆襄湖南皆舉舟師悉力攻討王師既集淮夷毀壁焚俘郭而遁

三年六月庚戌同州節度使劉知俊據本郡反制令削奪劉知俊在身官爵仍徵發諸軍速令進討如有軍前

將士懷忠烈以知機賊內朋徒憤脅從而識變便能梟  
夷逆豎擒獲克渠務立殊功當行厚賞活捉得劉知俊  
者賞錢一萬貫文便授忠武軍節度使並賜莊宅各一  
所如活捉得劉知浣者賞錢一萬貫文便與除刺史有  
官者超轉三階無官者特授兵部尚書如活得劉知俊  
骨肉及近上都將並梟送闕廷者賞賜有差

是月知俊  
奔于鳳翔

同州  
平

十一月靈州奏鳳翔賊將劉知俊率邠岐秦涇之師侵

迫州城帝遣陝州康懷英華州寇彥卿率兵攻迫邠岐以緩朔方之寇

四年四月鎮海軍節度使錢鏐擊高澧於潮州大敗之梟夷擒殺萬人拔其郡潮州平先是澧以州叛入淮南故詔鏐討之也

七月劉知俊攻逼夏州以宣化軍留後李思安為東北面行營都指揮使陝州節度使楊師厚為兩路行營招討使九月乙巳王師敗蕃寇於夏州初劉知俊誘沙陁

振武賊帥周德威涇原賊帥李繼鸞合步騎五萬大舉欲俯拾夏臺節度使李仁福兵力俱乏以急來告先是供奉官張漢玫宣諭在壁國禮使杜廷隱賜幣于夏及石堡寨聞賊至以防卒三百人馳入州既而大兵圍合廷隱漢玫與指揮使張初李君用率州民防卒與仁福部分固守晝夜戮力踰月及廊延援至大軍奪擊敗之河東邠岐賊分路逃遁夏州圍解丙午詔曰劉知俊貴為方伯尊極郡王而乃背誕朝恩竄投賊壘因人神之



共怒諒天地所不容雖命討除尚稽擒戮宜懸爵賞以  
大功名必有忠貞咸思憤發有生擒劉知俊者賞錢千  
萬授節度使首級次之得孟審登者錢百萬除刺史得  
將孫坑卓瓌劉儒張鄰等賞有差

十二月以寧國軍節度使王景仁充北面行營都招討  
使潞州副招討使韓勁為副湘州刺史李思安為先鋒  
使時鎮州王鎔定州王處直叛結連晉人故遣將討之

冊府元龜卷二百十六

欽定四庫全書

子部  
冊府元龜卷二百十七

詳校官中書臣涂日煥

員外郎臣牛稔文覆勘

總校官庶吉士臣何思鈞

校對官學正臣李巖

謄錄監生臣李和梓

欽定四庫全書

冊府元龜卷二百十七

宋

王欽若等撰

閏位部

交侵

春秋傳曰疆場之事一彼一此何常之有當鼎國分據  
暨南北更王迄於朱梁咸務兵戰用寧守宇至乃略地  
以開國攻城以拓土爭要害之形勢騁變詐之機略金  
革亟舉烽燧日燔飛輓相望汙萊罔治士衆疲於轉關

邊城患於驛騷而復勝敗相尋虛亢更伺或知難而退  
獲免於數奔或允當而歸克遵於善志抑兵者不祥之  
器蓋不得已而用之若乃爭尋常以盡其民恃疆大而  
好於戰曷常不致失律之咎而貽自焚之釁哉

蜀先主章武元年七月帥諸軍伐吳

其未即位前交  
侵事具勲業門

忿

其襲殺關侯也吳王遣書請和先主盛怒不許吳將陸  
議李異劉阿等屯巫秭歸將軍吳班馮習自巫攻破異  
等軍次秭歸五溪蠻夷遣使請兵

二年正月先主軍還秭歸吳班陳式水軍屯夷陵夾江  
東西岸五溪蠻夷咸相應鎮北將軍黃權督江北諸  
軍與吳軍相拒於夷陵道夏六月為陸議所破將軍馮

習張楠等皆沒先主自猓亭

猓音許  
交切

還秭歸收合離散

兵遂棄船舫繇步道還魚復

今萬州是

吳將李異劉阿等踵

躡先主軍屯駐南山八月乃收兵還巫十月吳主聞先  
主住白帝甚懼遣使請和先主許之遣大中大夫宗瑋  
報命

後主建興五年春丞相諸葛亮出屯漢中營沔北陽平石馬三月下詔曰朕聞天地之道福仁而禍淫善積者昌惡積者喪古今嘗數也是以湯武之修德而王桀紂極暴而亡曩者漢祚中微網漏凶慝董卓造難震蕩京畿曹操階禍竊執天衡殘剝海內懷無君之心子丕孤豎敢尋亂階盜據神器更姓改物世濟其凶當此之時皇極幽昧天下無主則我帝命隕越于下昭烈皇帝體明睿之德光演文武應乾坤之運出身平難經營四方

人鬼同謀百姓與能兆民欣戴奉順符讖建位易號丕承天序補弊興衰存復祖業膺誕皇綱不墜於地萬國未靜早世遐殂朕以幼冲繼統鴻基未習保傅之訓而嬰祖宗之重六合壅否社稷不建永惟所以念在扶救光載前緒未有攸濟朕甚懼焉是以夙興夜寐不敢自逸每崇菲薄以益國用勸分務稽以阜民財授方任能以叅其聽斷私降意以養將士欲奮劍長驅指討凶逆朱旗未舉而不復隕喪斯所謂不燃我薪而自焚也殘

類餘醜又支天禍恣睢河雒阻兵未弭諸葛亮丞相引  
毅忠壯忘身憂國先帝託以天下以勗朕躬今授之以  
旄鉞之重付之以專命之權統領步騎二十萬衆董督  
元戎冀行天罰除患寧亂克復舊都在此行也昔項籍  
總一彊衆跨州兼土所務者大然卒敗垓下死於東城  
宗族如焚為笑千載皆以不義陵上虐下故也今賊效  
尤天人所怨奉時宜速庶馮炎精祖宗威靈相助之福  
所向必克吳王孫權同恤災患潛軍合謀犄角其後涼



州諸國王各遣月支康居胡侯支富康植等二十餘人詣  
授節度大軍北出便欲率將兵馬奮戈先驅天命既集  
人事又至師貞勢并必無敵矣夫王者之兵有征無戰  
尊而且義莫敢抗也故鳴條之役軍不血刃牧野之師  
商人倒戈今旄麾首路其所經至亦不欲窮兵極武有  
能棄邪從正簞食壺漿以迎王師者國有常典封寵大  
小各有品限及魏之宗族支葉中外有能規利害審逆  
順之數來詣降者皆原除之昔輔果絕親於智氏而蒙

全宗之福微子去殷項伯歸漢皆受茅土之慶此前世之明驗也若其迷沉不反將助亂人不式王命戮及妻孥罔有攸救廣宣恩威貸其元帥吊其殘民他如詔書律令丞相其露布天下使稱朕意焉

六年春亮出攻祁山不克冬復出散關圍陳倉糧盡退魏將王雙率軍追亮與戰破之斬雙還漢中

七年春亮遣陳式攻武都陰平遂克定二郡

八年征西大將軍魏延破魏雍州刺史郭淮於陽谿

九年三月亮復出軍圍祁山魏將司馬宣王張郃救祁山六月亮糧盡退軍郃追至青封與亮交戰郃被箭射死

延熙十二年秋衛將軍姜維攻魏雍州不克而還

十三年姜維復出西平不克而還

十六年四月姜維復率衆圍南安不克而還

十七年正月姜維還成都六月維復率衆出隴西冬拔

狄道河間臨洮三縣民居于綿竹繁縣

十八年春姜維還成都夏姜維率諸軍出狄道與魏雍州刺史王經戰于洮西大破之退保狄道城維却住鐘  
題

十九年春姜維進位大將軍督戎馬與鎮西將軍胡濟期會上邽濟失誓不至

二十年姜維率衆出駱谷至芒水

景耀五年姜維復率衆出侯和為鄧艾所破還住沓中

吳大帝初為吳王

未封王以前交  
侵事具勳業門

蜀先主帥軍來伐蜀

章

武元年也至巫山秭歸使使誘導武陵蠻夷五溪民皆反為

蜀帝以陸遜為督督朱然潘章等以拒之

黃武元年

蜀章武二年也

正月陸遜部將軍宋謙等攻蜀五屯

皆破之斬其將蜀軍分據險地前後五十餘營遜隨輕重以兵應拒自正月至閏月大破之臨陣所斬及投兵降首數萬人先主奔走僅以身免

九月魏乃命曹休張遼臧霸出洞口曹仁出濡須曹真夏侯尚張劭徐晃圍南郡大帝遣呂範等督五軍以舟

軍拒休等諸葛瑾潘章楊粲救南郡朱桓以濡須督拒  
仁十一月大風範等溺死者數千人軍還江南曹休使  
臧霸以輕船五百敢死萬人襲攻徐陵燒攻城車殺略  
數千人將軍全琮徐盛追斬魏將尹廬殺獲數百

二年正月曹真分兵據江陵中州三月曹仁遣將軍常  
彫等以兵五千乘油船晨渡濡須中州仁子泰因引軍  
急攻朱桓桓兵拒之遣將軍嚴圭等擊破彫等是月魏  
軍皆退

六月令將軍賀齊督糜芳劉邵等襲蘄春虜太守晉宗先是宗為戲口守將殺其主將王直以衆叛如魏魏以為蘄春太守數犯邊境至是虜之

五年七月帝聞魏明帝初立征江夏圍石陽不克而還七年五月鄱陽太守周魴偽叛誘魏將曹休八月帝至皖口使將軍陸遜督諸將大破休於石亭

黃龍三年夏中郎將孫布詐降以誘魏將王淩淩以軍迎布十月帝以大兵潛伏於阜陵俟之淩覺而走

嘉禾元年三月遣將軍周賀校尉裴潛乘海之遼東九月魏將田豫要擊斬賀於成山

二年帝向合肥新城遣將軍全琮征六安皆不克還

三年五月遣陸遜諸葛瑾等屯江夏沔口孫韶張承等向廣陵淮陽帝率大衆圍合肥新城是時蜀相諸葛亮出武功帝謂魏明帝不能遠出而帝遣兵助司馬宣王拒亮自率水軍東征未至壽春遂還孫韶亦罷

六年十月遣衛將軍全琮襲六安不克



赤烏二年三月遣使者羊銜鄭胄將軍孫怡之遼東擊  
魏守將張持高慮等虜得男女

四年四月遣衛將軍全琮略淮南決芍陂燒安城邸閣  
收其人民威北將軍諸葛恪攻六安琮與魏將王淩戰  
于芍陂中郎將秦晃等十餘人戰死車騎將軍朱然圍  
樊大將軍諸葛瑾取柤中

六年春諸葛恪征六安破魏將謝順營收其人民  
是歲魏司馬宣王率軍入舒

九年二月車騎將軍朱然征魏柵中斬獲千餘

十年遣諸葛壹偽叛以誘諸葛誕誕以步騎一萬迎壹於高山大帝出涂中遂至高山潛軍以待之誕覺而還十三年十二月魏大將軍王昶圍南郡荊州刺史王基攻西陵遣將軍戴烈陸凱往拒之皆引還

廢帝會稽王建興元年十二月魏使將軍諸葛誕胡遵等步騎七萬圍東興將軍王昶攻南郡毋邱儉向武昌甲寅大傅諸葛恪以大兵赴敵戊午兵及東興交戰大

破魏軍殺將軍韓綜桓嘉等

二年三月諸葛恪率軍伐魏四月圍新城大疫兵卒死者大半八月恪引軍還

五鳳二年正月魏鎮東將軍母邱儉前將軍文欽以淮南之衆西入戰于樂嘉

閏月壬辰丞相孫峻及驃騎將軍呂據左將軍留贊率兵襲壽春軍及東興聞欽等敗壬寅兵進于橐臯欽詣峻降淮南餘衆數萬口來奔魏諸葛誕入壽春峻引軍

還

二月孫峻及魏將軍曹珍遇于高亭交戰珍敗績留贊  
為誕別將蔣班所敗於菰陵贊及將軍孫楞蔣脩等皆  
遇害

三月使鎮南將軍朱異襲安豐不克

太平元年二月孫峻用征北大將軍文欽計將征魏八  
月先遣欽及驃騎呂據車騎劉纂鎮南朱異前將軍唐  
咨軍自江都入淮泗

後主建衡元年十一月遣監軍虞汜威南將軍薛琇蒼  
梧太守陶璜由荊州監軍李勗督軍徐存從建安海道  
皆就合浦擊交趾

宋文帝元嘉元年後魏明元帝自率衆至方城遣鄭兵  
將軍達奚斤吳兵將軍公孫表二萬人於滑臺司州刺  
史毛德祖時戍虎牢遣步騎三千拒之魏剋滑臺并力  
乘勝遂至虎牢魏主自率大衆至鄴鄭兵既克金墉還  
向虎牢又遣楚兵將軍涉歸東擊青州所向城邑皆奔

走明元自遣兵益虎牢增圍急攻德祖大敗魏主領楚  
兵諸軍自滑臺西就兵共攻虎牢虎牢被圍二百日遂

克虎牢

武帝未受禪已前  
事并入功業門

五年十月淮北鎮將軍王仲德遣步騎二千餘人侵後  
魏濟陽陳留閏月又遣將王玄謨兗州刺史竺靈秀步  
騎二千人攻滎陽將襲虎牢

七年三月遣右將軍到彥之統舟師入河諸軍各有所  
向先遣殿中將軍由竒使魏言河南舊是宋土為彼所

侵今當修復舊境不闕河北魏大武大怒謂奇曰我生  
頭髮未燥便聞河南是我家地爾豈可得若必進軍今  
權當斂戍相避須火行地淨河水冰合自更取之七月  
後將軍長沙王義欣出鎮彭城總統羣師彥之進軍魏  
碯礮及滑臺諸戍並棄城走以尹沖為司州刺史戍虎  
牢十一月魏衆南渡河彥之敗退洛陽滑臺虎牢諸城  
復為魏所陷尹沖死之是歲魏神麈三年也

魏書云八月宋將到

彥之自清水入河沂流西行帝以河南兵少詔攝四鎮  
乃治兵將西討丙寅到彥之遣將渡河攻治反叛冠軍

將軍安頡督諸軍破之斬首五百餘級投水死者甚衆  
十月庚申到彥之王仲德治河置守還保東平乙亥冠  
軍安頡濟河攻洛陽丙子拔之擒宋將二十人斬首五  
千級時河北諸軍會於七女津彥之恐軍南渡遣將王  
蟠龍汴流欲盜官船征南大將軍杜超等擊破斬之辛  
己安頡虎牢宋司州刺史尹冲墜城死甲午壽光侯叔  
孫建汝陰公長孫道生濟河到彥之王仲德從清入濟  
東走青州宋兗州刺史竺靈秀棄穎昌南奔湖陸戊戌  
叔孫建大破竺靈秀於湖陸殺獲五千餘人辛丑冠軍  
安頡率諸軍攻滑臺瑯邪王司馬楚之破宋將于長杜  
四年正月丙申宋將檀道濟王仲德從清水救滑臺丹  
陽王叔孫汝陰公長孫道生拒之道濟等不敢進二月  
辛酉安頡司馬楚之平滑臺擒宋將朱循之李元德及  
東郡太守申謨二月宋將檀道濟王仲德東走諸將追  
之至歷城而還三月庚戌冠軍將  
軍安頡獻宋俘萬餘人甲兵三萬



八年正月征南大將軍檀道濟破魏軍於東壽張二月滑臺為魏所陷道濟引軍還

二十年二月仇池為索虜所沒

二十三年三月魏軍寇兗豫青冀刺史申恬破之

二十七年二月魏攻汝南諸郡陳頓二郡太守鄭琨汝

陽潁川二郡太守郭道隱委守走魏軍攻懸瓠城行汝

南郡事陳憲拒之七月遣寧朔將軍王玄謨北伐太尉

江夏王義恭出次彭城總統諸軍魏礪礪戍委城走閏

月癸亥玄謨攻滑臺不克為魏軍所敗退還碯碯辛未  
雍州刺史隨王誕遣軍攻弘農城克之丙戌又克關城  
十一月戊子魏軍陷鄒山魯陽平二郡太守崔邪利沒  
甲午隨王誕所遣軍又攻陝城克之癸卯左軍將軍劉  
康祖於壽陽尉武戌與魏軍戰敗見殺十二月戊午內  
外戒嚴乙丑冗從僕射胡崇之太子積弩將軍臧澄之  
建威將軍毛熙祚于盱眙與魏軍戰敗并見殺庚午魏  
主率大衆至瓜步

二十八年正月丁亥魏軍自瓜步退走丁酉攻圍盱眙  
城是月寧朔將軍王玄謨自碻礮退還歷下二月丙辰  
魏軍自盱眙奔走時南平王鑠為豫州刺史遣中兵參  
軍胡盛之出汝南上蔡向長社戍主魯爽棄城奔走既  
克長社遣幢主王陽兒張略等進據小索魏豫州刺史  
僕蘭於大索率步騎二千攻陽兒陽兒擊大破之坦之  
等進向大索勞楊氏鄭德玄張和各起義以應坦之僕  
蘭奔虎牢會王陽兒等至即據大索因向虎牢鑠又遣

安蠻司馬劉康祖繼坦之魏永昌王宜勒仁庫貢救虎  
牢坦之敗走魏軍乘勝遙追於尉氏津逢康祖康祖戰  
敗見殺進脅壽陽因東過與魏主會於江上魏荊州刺  
史魯爽及弟秀等率部曲詣鑠歸順是時魏主雖不克  
懸瓠而虜略甚多與帝書云往索真珠璫恠不相與今  
所馘截髑髏可當幾許珠璫也彼往日北通芮芮西結  
赫連蒙遜吐谷東連馮弘高麗凡此數國皆我滅之以  
此而觀彼豈能獨立我今北征先除有足之寇彼若不

從命來秋當復往取以彼無足不先致討諸方已定不復相釋我往之日彼作何方計為塹城以自守為築坦以自障也

二十九年六月撫軍將軍蕭思話率眾北伐十月癸亥司州刺史魯爽攻虎牢不拔退還

孝武帝大明元年二月魏軍侵兗州

明帝泰始三年二月魏軍侵汝陰太守張景遠擊破之八月以中領軍沈攸之南行兗州刺史率眾北討是歲

魏獻文皇帝興元年也

魏紀云閏正月宋青州刺史沈文秀冀州刺史崔道回並遣使請舉

州內屬詔平東將軍長孫陵平南將軍疾窮奇赴援之二月詔征南大將軍慕容容白曜督騎五萬次於碣磔為

東道後援宋東平太守申纂戍無鹽邊絕王使詔白曜討之三月文秀道回復叛歸宋白曜回師討之拔宋肥

城坦苗廩溝三戍四月白曜攻汴城八月攻歷城二年二月道回及宋梁鄒戍主平原太守劉林賓舉城降三

月白曜進圍東陽

四年十月發諸軍州兵北伐

五年正月乙丑魏克青州執刺史沈文秀以歸

七年十月遣將垣崇祖率衆二萬自郁州侵魏東兗州

屯于南城為刺史于雒侯所敗崇祖還郁州

後廢帝元徽二年七月遣將侵魏緣淮諸鎮為魏徐州  
刺史尉元擊敗之

順帝昇明元年十月葭蘆戍主楊文度遣弟鼠襲陷魏  
仇池

七月又遣將伐魏仇池為魏陰平太守楊廣香所擊走  
之

南齊高帝建元二年正月魏軍侵淮泗遣衆軍北伐內

外戒嚴二月魏軍侵壽陽豫州刺史垣崇祖破走之是

月西境獻捷解嚴是歲魏孝文太和四年也

魏紀云齊徐州刺史

崔文仲寇淮北陷荏眉戊二月遣尚書游明根率二千騎南討八月梁州刺史崔慧景遣長史裴叔寶率衆寇

武興關城氏帥楊鼠擊破之叔寶還南鄭荏音士留反

三年正月領軍將軍李安民左將軍孫文顯與魏軍戰

於淮陽大敗之初魏軍至緣淮驅略江北居民驚走不

可禁乃於梁山置二軍南置三軍慈姥置一軍洌州置

二軍三山置二軍白沙州置一軍蔡州置五軍

自慈姥以下皆



江南地名長蘆置三軍蔬浦置二軍徐浦置一軍長蘆屬今昇州已下

揚州諸屬魏昌黎王馮莎向司州荒人栢天生說莎云諸

蠻皆響應莎至蠻竟不動莎大怒於淮邊獵而去魏紀云南

征諸軍擊破齊游擊將軍桓康於淮陽齊豫州刺史崇祖寇下蔡昌黎王馮熙擊破之假寧郡王嘉大破齊軍

俘獲三萬餘口

武帝永明六年四月遣將陳顯達攻陷醴陽魏左僕射

長樂王穆亮率騎一萬討之

十一年七月魏軍侵邊遣江州刺史李顯達鎮雍州樊

城

明帝建武二年正月魏軍攻豫司徐梁四州遣鎮南將軍王廣之督司州征討右衛將軍蕭坦之督徐州征討尚書右僕射沈文季督豫州征討二月魏軍攻鍾離徐州刺史蕭惠休破之詔太尉陳顯達使持節都督西北征討諸軍事內外戒嚴三月司州刺史蕭誕與眾軍擊魏破之魏軍自壽春退走是月解嚴四月魏軍圍漢中梁州刺史蕭懿拒退之是歲魏太和十九年也

魏紀云太和十

八年十二月車駕南征至懸瓠十九年正月講武於汝水之西二月巡淮而東至鍾離是月班師

三年四月魏軍侵司州戍兵擊破之

四年魏侵沔北十月又侵司州遣太子中庶子梁王右

軍司馬張稷討之

是歲魏太和二十一年魏書事備帝王親征門

十二月丁丑

遣度支尚書崔慧景率衆救雍州

永泰元年正月沔北諸郡為魏所侵相斷敗沒遣太尉

陳顯達持節救雍州二月遣左衛將軍蕭惠休假節援

壽陽豫州刺史裴叔業擊魏軍於淮北破之

東昏侯永元二年正月詔討豫州刺史裴叔業

時頻誅大臣叔

業懼而

以衛尉蕭懿為豫州刺史征壽春叔業病死兄

子積以壽春降魏三月遣平西將軍崔慧景率眾軍伐

壽春

魏書云宣武景明元年二月南齊豫州刺史裴叔業以壽春內屬二月齊將胡松李居士率眾萬餘

屯宛陳伯之水軍沂淮而上以逼壽春四月彭城王勰車騎將軍王肅大破之斬首萬數七月齊又遣陳伯之

寇淮南八月彭城王勰破伯之於肥口

梁高祖天監元年五月魏揚州小岷戍主黨法宗襲破

大岷戍

二年八月魏將元興攻義陽陷寇軍將軍蔡靈恩等十餘將

三年二月魏陷梁州八月陷司州是歲魏宣武正始元

年也

魏紀云正始元年二月梁將姜慶真襲陷壽春外郭州軍擊走之閏十二月梁行梁州事夏侯道遷

據漢中來降假尚書刑巒鎮西將軍率衆以赴之二年四月巒遣統軍王足西伐頻破梁軍遂入劍關六月梁將李岷等置營始平郡東涪水之北王足逆擊敗之梁將魯方遠攻竹亭足又破之方遠屯戍新城足又遣統軍盧祖遷等擊敗之七月足又逼涪城梁巴西太守庾城統軍主李岷等逆戰足擊破之八月詔中山王英南討襄沔十一月足圍涪城益州諸郡戍降者十二三遂引軍而退

四年十月大舉侵魏以中書將軍揚州刺史臨州王宏都督北討諸軍事尚書右僕射柳惔為副

五年二月輔國將軍劉思效破魏青州刺史元擊於膠水是月魏將陳伯之自壽陽率衆歸降五月太子左衛率張惠之克魏宿豫城臨川王宏前軍克梁城豫州刺史韋叡克合肥城廬江太守裴邃克羊石城又克霍邱城六月青冀二州刺史桓和前軍克朐山城十一月魏軍寇鍾離遣右將軍曹景宗率衆赴援

魏書云宣武王正始二年正月

梁冀州刺史桓和入寇南青州軍擊走之二月平南將軍陳伯之破梁徐州刺史昌義之於梁城是月梁將蕭昞率衆五萬寇淮陽以中山王英為征南將軍都督揚徐二道諸軍事指授邊將五月梁張惠紹入寇陷宿豫蕭容陷梁城韋叡陷合肥城又陷羊石霍邱二城六月又陷小峴戍是月假平南將軍奚康生破梁將張惠紹斬其徐州刺史宋黑詔發定冀瀛相並肆六州十萬人以濟南軍又詔平南將軍安樂王詮督後發諸軍以赴淮南九月中山王英大破梁軍於淮南梁中軍大將軍臨川王蕭宏尚書右僕射柳惔徐州刺史昌義之等棄梁城沿淮東走追奔次於馬頭梁冠軍將軍戍主朱思遠棄城宵遁擒送梁四千餘人斬獲士卒五萬有餘英

遂攻  
鍾離

六年四月曹景宗韋叡等破魏軍於邵陽洲斬數萬計

魏書云鍾離大水中  
山王英敗績而還

七年十月詔大舉北伐以護軍將軍始興王憺為平北

將軍率眾入清車騎將軍王樊率眾向宿豫是月魏懸

瓠鎮軍王白阜生

魏書云豫州白阜生

豫州刺史胡遜以城內屬

是歲魏永平元年也

魏書云豫州城人白阜生殺刺史司馬悅據城南叛梁遣將齊苟仁

等四將以助之詔尚書郎邢巒行豫州事督將軍崔暹率騎討之是月邢巒大破卓生及苟仁軍於魚口十二月又克懸瓠斬白阜生擒齊苟仁等俘梁卒二千餘人分賜王公已下

八年正月魏鎮東參軍成景雋斬宿豫城主嚴仲寶以



城內屬

魏書云正月梁遣王神念寇南兗詔輔國將軍長孫稚假平南將軍為都督率統軍郟虬等五

軍以討之

十年三月盜殺東莞瑯琊二郡太守劉晰以朐山引魏

軍遣振遠將軍馬仙琕討之是月魏徐州刺史盧昶率衆赴

朐山十二月仙琕大破魏軍斬馘十餘萬克復朐山城

魏書云四月梁遣其鎮北將軍張稷及馬仙琕寇朐山詔盧昶率兵赴之十一月朐山城陷昶大敗而還

十四年魏降人王足陳計求堰淮水以灌壽陽帝率徐

陽人二十萬戶取五丁以築之四月堰將合淮水漂疾

復決潰

魏書云三月梁於浮山堰淮規為揚徐之害詔平南將軍楊大眼討之以冀州刺史蕭寶寅為

鎮東將軍決淮堰寶寅東昏侯弟亡歸于魏也

九月遣將趙祖悅襲據破石

十五年二月破石為魏鎮南將軍崔亮鎮軍大將軍李平所克

五月衡州刺史張齊侵益州為魏將傅豎眼所敗是魏孝明熙平元年也

普通二年六月茂州刺史文僧明以州叛入於魏假大

將軍裴邃節督衆軍北討

五年六月以員外散騎常侍元樹為平北將軍北青冀  
二州刺史率衆北伐八月徐州刺史戎景雋克魏童城  
九月又克睢陵城北兗州刺史趙景悅圍荆山宣毅將  
軍裴邃襲壽陽入羅城弗克十月樹邃攻建陵城破之  
樹又破曲木掃虜將軍彭寶孫克瑯琊又克擅邱城邃  
破狄又克甃城遂進屯黎時定遠將軍曹世宗破曲城  
又克秦墟魏郿潘溪守悉棄城走東海太守韋敬欣以

卷一百一十七  
司吾城降十一月寶孫克東莞城遂攻壽陽之安城克  
之馬頭安城並來降十二月荆山城降武勇將軍李國  
興攻平靜關克之信威長史楊法乾攻武陽關又攻峴  
關並克之

六年正月雍州前軍克新蔡郡又克鄭城二月趙景悅  
下龍亢城五月遣中護軍夏侯亶督壽陽諸軍北伐六  
月豫章王綜奔于魏魏復據彭城

七年十一月夏侯亶胡龍牙元樹曹世宗等衆軍克壽

陽城

大通元年正月司州刺史夏侯夔進軍三關所至皆克  
五月成景雋克魏臨潼竹邑十月魏東豫州刺史元慶  
和以渦陽內屬

十一月以中護軍蕭淵藻為北討都督征北大將軍鎮  
渦陽

二年四月魏郢州刺史元願達以義陽內附時魏大亂  
其北海王元顥汝南王元悅並來降十月以元顥為

魏主遣東宮直閣將軍陳慶之衛送還北

中大通元年四月陳慶之攻魏梁城拔之進屠考城擒  
濟陰王元暉業五月克大梁又克虎牢城魏莊帝棄雒  
陽走河北元顥遂入雒陽尋為爾朱榮所殺

二年六月遣魏汝南王元悅還北為魏主以魏尚書右  
僕射范遵為安北將軍司州牧隨元悅北討

大同元年十月北梁州刺史蘭欽攻魏漢中克之

二年十月乙亥詔大舉北伐十一月班師是歲東魏天

平二年也

太清元年二月魏司徒侯景求以豫廣潁雒陽西揚東  
荆北荆襄東豫南兗西兗齊等十三州內屬三月遣司  
州刺史羊鴉仁兗州刺史桓和仁州刺史湛海珍等應  
接北豫六月以鄱陽王範為征北將軍總督漢北征討  
諸軍七月鴉仁入懸瓠城八月王師北伐以南豫州刺  
史蕭淵明為大都督十一月魏遣大將軍慕容紹宗等  
至寒山丙午大戰貞陽侯淵明敗績及北兗州刺史胡

金史卷一百一十七  
貴孫等並陷魏紹宗進圍潼州

二年正月魏陷渦陽

簡文大寶二年五月魏遣大師潘雒辛等寇秦郡王僧辯遣杜崩帥衆拒之

孝元帝承聖二年正月西魏遣大將軍尉遲迥襲益州五月進逼巴西潼州刺史楊虔運以城降迥六月迥圍陷益州九月西魏遣郭元建治舟師於合肥又遣大將邢杲遠步六汗薩東方老率衆會之



四年三月北齊遣其上黨王高渙送貞陽侯蕭淵明來  
主梁嗣至東關遣吳興太守裴之橫與戰敗績之橫死  
太尉王僧辯率衆出屯姑孰

敬帝太平元年三月齊遣大將蕭軌出柵口向梁山司

空陳霸先軍主黃敢音鄒逆擊大破之軌退保蕪湖遣周

文育侯安都率衆據梁山拒之四月侯安都輕兵襲齊  
行臺司馬恭於歷陽大破之五月庚寅齊軍水步入丹陽  
縣丙申至秣陵故治勅周文育還頓方邱徐度頓馬牧

杜稜頓大桁癸卯齊軍進據兒塘輿駕出頓趙建故籬  
門內外戒嚴六月甲辰齊潛軍至蔣山龍尾斜趨莫府  
山北至玄武廟西北乙卯司空陳霸先授衆軍節度與  
齊軍交戰大破之斬齊北兗州刺史杜方慶及徐嗣徽  
弟嗣宗生擒徐嗣產蕭軌東方老王敬寶李希光裴英  
起劉歸義等皆誅之辛酉解嚴

二年二月庚午遣領軍將軍徐度入東關戊子至合肥  
燒齊船三千艘

後梁明帝天保五年陳湘州刺史華皎邕州刺史戴僧  
朔來附皎送其子玄響為質於梁仍率諸軍伐陳明帝  
上言其狀周高祖詔衛公直督荊州總管權景宣大將  
軍元定等赴之明帝亦遣其柱國王操率水軍二萬會  
皎於巴陵既而與陳將吳明徹等戰沌口直軍不利元  
定遂沒梁大將軍李廣等亦為陳人所虜長沙巴陵並  
陷於陳衛公直乃歸罪梁之柱國殷亮明帝雖以退敗  
不獨在亮然不敢違命遂誅之吳明徹乘勝攻克梁河

東郡獲其守將許孝敬明徹進寇江陵引江水灌城明  
帝出頓紀南以避其銳江陵副總管高琳與其尚書僕  
射王操拒守梁軍主馬武吉維等擊明徹退保公安明  
帝乃還江陵明帝之八年陳又遣其司空章昭達寇江  
陵總管陸騰及梁之將士擊走之昭達又寇竟陵之青  
泥明帝令其大將軍許世武赴援大為昭達所破初華  
皎戴僧朔從衛公直與陳人戰敗率其麾下數百人歸  
於明帝明帝以皎為司空封江夏郡公以僧朔為車騎

將軍封吳興縣侯明帝之十年皎將來朝至襄陽請衛  
公直曰梁主既失江南諸郡民少國貧朝廷興亡繼絕  
理宜資贍豈使齊桓楚莊獨擅救衛復陳之美望借數  
州以俾梁國直然之乃遣使言狀周高祖許之詔以基  
平都三州歸之於梁

陳高祖永定二年二月詔車騎將軍司空侯瑱總督水  
步軍以遏齊寇

文帝天嘉元年周將賀若敦獨孤盛等來攻巴湘以司

空侯瑱為西討都督大敗盛軍將餘衆自揚葉洲潛遁  
二年七月敦自拔遁歸人畜死者十七八

宣帝太建五年三月分命衆軍北伐以鎮西將軍開府  
儀同三司吳明徹都督諸軍事

四月癸卯前巴州刺史魯廣達克齊大岷城辛亥吳明  
徹克秦州水柵庚申齊兵十萬援歷陽儀同黃法氈破  
之辛酉齊救秦州吳明徹又破之甲子南譙太守徐楊  
克石梁城

五月己巳廬梁城降癸酉陽平郡城降甲戌徐樛克

江郡城丙子黃法氈克歷陽城己卯北高唐郡城降丙戌廬陵內史任忠軍次東關克其東西二城進克蘄城戊子又克譙郡城秦州城降癸巳瓜步胡墅以城降

六月庚子郢州刺史李縉克澗口城乙巳任忠克合州外城庚戌淮陽沐陽郡並棄城走癸丑豫章內史程文季克涇州城乙卯宣毅司馬湛陔克新蔡城癸卯黃法氈克合州城吳明徹師次仁州甲子克其州城

七月戊辰齊遣衆二萬援齊昌西陽太守周炅破之  
己巳吳明徹軍次峽口克其北岸城南岸守者棄城  
走周炅克巴州城淮北絳城及穀陽士民並誅其渠  
帥以城降丙戌吳明徹克壽陽外城

八月乙未山陽城降壬寅盱眙城降壬子戎昭將軍徐  
敬辯克海安城青州東海城降壬申高唐太守沈善度  
克馬頭城甲戌齊安城降丙子左衛將軍樊毅克廣陵  
楚子城丁亥前鄱陽內史魯天念克黃城小城齊軍退



保大城壬辰黃城大城降

十月甲午郭默城降乙巳吳明徹克壽陽城丁未齊兵  
萬人至潁口樊毅擊走之辛亥齊遣兵援蒼陵又破之  
戊午湛陔克齊昌城

十一月甲戌淮陰城降庚辰威虜將軍劉桃根克朐山城辛  
巳樊毅克濟陰城己丑魯廣達等克北徐州

十二月壬午任忠克霍州城

六年正月甲申廣陵金城降

七年正月乙亥左衛將軍樊毅克潼州城

三月戊申樊毅克下邳高山等六城

閏九月都督吳明徹大破齊軍於呂梁

九年十月戊午司空吳明徹破周將梁士彥衆數萬于呂梁

十年二月甲子北討衆軍敗績於呂梁司空吳明徹及將卒以下並為周軍所獲

十一年十一月周遣柱國梁士彥率衆至肥口戊戌周

軍進圍壽陽辛丑前豐州刺史臯文秦率步騎三千趣  
陽平郡癸卯任忠率步騎七千趣秦郡丙午新除仁威  
將軍右衛將軍魯廣達遣卒衆入淮是日樊毅領水軍  
二萬自東關入焦湖武毅將軍蕭摩訶率步騎趣歷陽  
戊申豫州陷辛亥霍州又陷

十二月乙丑南北兗晉三州及盱眙山陽陽平馬頭  
秦歷陽沛北譙南梁等九州並自拔還京師譙北徐州  
又陷自是淮南之地盡沒於周矣

十二年八月庚申詔鎮西將軍樊毅進督沔漢諸軍事  
遣平南將軍南豫州刺史任忠率衆趣歷陽通直散騎  
常侍超武將軍陳慧紀為前軍都督趣南充州庚午通  
直散騎常侍淳于陵克臨江郡癸酉智武將軍魯廣達  
克郭默城丙子淳于陵克祐州城

九月丁亥周將王延貴率衆援歷陽任忠擊破之生擒  
延貴等

東魏孝靜帝天平二年二月梁司州刺史陳慶之寇豫

州刺史堯雄擊走之六月梁魏王元慶和寇南頓堯雄大破之十一月梁將柳仲禮寇荊州刺史王元擊破之

三年九月以定州刺史侯景兼尚書右僕射南道行臺節度諸軍南討十一月景攻克梁楚州獲刺史桓和

是歲

與梁  
通好

四年十月西魏行臺宮景壽都指揮楊白駒寇雒州大都督韓賢大破之西魏又遣其子大行臺元季海大都督獨孤信逼雒州刺史廣陽王湛棄城歸闕季海信遂

據金墉

元象元年八月大破西魏之衆于河陰

武定五年九月梁武遣貞陽侯蕭明寇徐州堰泗水於  
寒山灌彭城以應侯景十一月以尚書左僕射慕容紹  
宗為東南道行臺與大都督高岳潘相樂大破擒之及  
其二子瑀遁十二月蕭明至闕帝御閭闔門讓而宥之  
岳等迴師討侯景

六年四月大尉高岳司徒韓軌大都督劉豐等討西魏

王思政於潁川引洧水灌其城

七年五月大將軍高澄帥師赴潁川六月克之獲大將軍王思政等

北齊文宣天保元年十一月周文帝率衆至陝城分騎北渡至建州帝親戎出次城東周文帝聞帝軍容嚴盛嘆曰高歡不死矣遂退師

二年五月丙戌合朔州刺史斛斯顯攻克梁歷陽鎮七月癸酉行臺郎邢景遠破梁龍安戍獲鎮城李雒文

三年三月以司州牧清河王岳為使持節南道大都督  
司徒潘相樂為使持節東南道大都督及行臺辛術率眾  
南伐

六年正月壬寅清河王以眾軍渡江克夏首二月甲戌  
上黨王渙克譙郡

三月丙戌上黨王渙克東關斬梁將梁之橫俘斬數千  
七年三月丁酉大都督蕭軌等率眾濟江六月乙卯蕭  
軌等與梁師戰于鍾山之西遇霖雨失利軌及都督李



希光王敬寶東方老軍司裴英起並沒士卒散還者十  
二三

武成河清二年十二月己酉周將楊忠率突厥阿史那  
木可汗等二十餘萬人自恒州分為三道殺掠吏人已  
未周軍逼并州又遣大將軍達奚武帥衆數萬東雍及  
晉州與突厥相應

三年正月周軍至城下而陳戰於城西周軍及突厥大  
敗人馬死者相枕數百里不絕

七月周軍三道並出使其將尉遲迴寇雒陽楊標入軹關權景宣趣懸瓠

十一月甲午周將尉遲迴等圍雒陽甲辰大尉婁叡大破周軍於軹關擒楊標

十二月豫州刺史王士良以城降周將權景宣壬戌太師段韶大破尉遲迴等解雒陽圍

梁太祖開平二年四月甲寅淮寇侵軹潭岳邊境欲援郎州以戰艦百餘艘揚航西上泊鼎口湖南馬殷遣水

鎮  
軍都將黃瑀率樓船遮擊之賊衆沿流宵遁追至鹿角

五月丁丑王師圍潞州將及二年李進通窮危旦夕不  
俟攻擊當自降太原李存勗以厚幣誘結北蕃諸部並  
其境內丁壯悉驅南征決戰以救上黨之急部落帳族  
馳馬甲兵數路齊進於銅鞮樹寨旗壘相望是月癸未  
淮賊寇荊州石首縣襄陽舉舟師沿澆港襲敗之

六月丙辰邠岐來寇雍西編戶困于逃避且芟害禾稼

結營自固踰月同州劉知俊領所部兵擊退襲至幕谷大破之俘斬千計收其器甲宋文通僅以身免

是月壬戌岳州為淮賊所據帝以北郡五領三湘水陸會合之地委輸商賈靡不繇斯遂令荆湘湖南北舉舟師同方致討王師集淮夷毀壁焚郭郭而遁

十月己亥上在陝兩浙節度使奏於常州東州鎮殺淮賊萬餘人獲戰船一百二隻

末帝乾元三年五月乙巳天雄軍節度使楊師厚及劉

守奇率魏博邢洛徐兗鄆滑之衆十萬討鎮州庚戌營於鎮之南門外壬子晉將史達瑋自趙州領騎五百人入於鎮州師厚知其有備自九月移軍於下博劉知奇以一軍自貝州掠冀州衡水阜城陷下博師厚自弓高渡御河迫滄州張萬進懼送款于師厚師厚表請以萬進為青州節度使以劉守奇為滄州節度使

七月晉王率師自黃澤嶺東下寇邢洛魏博節度使楊師厚軍於潼水之東晉將曹進金來奔晉軍遂退

貞明元年四月邠州留後李保衡以城歸順是月鳳翔李茂貞遣偽署涇州節度使劉知俊率師攻邠州以李保衡歸順故也自是凡攻圍十四日節度使霍彥威諸軍都指揮使黃貴堅等捍寇會救軍至岐人乃還

六月庚寅晉王入魏州以賀德倫為大同軍節度使舉族遷於晉陽是月晉人陷德州秋七月又陷澶州刺史王彥章棄城來奔是月劉鄩自洹水潛師繇黃澤路西趣晉陽至樂平縣值霖雨積旬乃班師還次宗城遂至

貝州軍於堂邑遇晉軍轉戰數十里晉軍稍還

二年二月命許州節度使王檀河陽節度使謝彥章鄆州防禦使王彥章率師自陰地關抵晉陽急攻其壘不克而旋

三月劉鄩率師與晉王大戰於元城鄩軍敗績先是鄩軍駐於莘帝以河朔危急師老於外餉饋不克遣使賜鄩詔微以責讓鄩奏以寇勢方盛未可輕動帝又問鄩決勝之策鄩奏曰人給糧十斛盡則破敵帝不悅復遣

從戰鄴召諸將會議諸將皆欲戰鄴默然一日鄴引軍  
攻鎮定之營彼衆大駭上下騰亂俘斬甚衆時帝遣偏  
將楊延直領軍萬餘人屯檀州以應鄴既而晉王詐言  
歸太原劉鄴以為信是月詔楊延直會於魏城下鄴自  
莘率軍亦至與延直會既而晉王自貝州至鄴引軍漸  
退至故元城西與晉人決戰大為所敗追至河上軍士  
赴水死者甚衆鄴自黎陽濟河奔滑州

四年二月遣將謝彥章帥衆數百迫楊劉城甲子晉王



來援楊劉彥之軍不利而退

八月晉王率師次楊劉口遂軍於麻家渡北面招討使  
賀環以兵屯濮州北行臺村對壘百餘日晉王以輕騎  
來覘許州節度使謝彥章發伏兵掩擊圍之數重會救  
軍至僅以身免

十二月庚子朔晉王領軍迫行臺寨十里距寨結營而  
止二十二日晉王次臨濮賀環王彥章自行臺寨軍躡  
之二十四日至胡柳陂晉王領軍出戰環軍已成列晉

王以騎突之王彥章一軍先敗彥章走濮陽晉人輜重  
在陳西瓌乃領軍薄之晉人大奔自相蹈藉死者不可  
勝計晉大將軍周德威歿於陣瓌軍登七山列陣於山  
之下晉王復領軍來戰瓌軍遂敗翼日晉人攻濮陽陷  
之京師戒嚴

五年春正月晉人城德勝夾河為柵

四月賀瓌攻德勝南城以滕艦戰艦橫於河以扼津濟  
之路晉人斷其滕艦濟軍以援南城瓌等退軍

十二月戊戌晉王領軍迫河南寨王瓚率師禦之獲晉將石家才既而瓚軍不利瓚退保楊村寨

六年六月遣兗州節度使溫昭圖莊宅使段凝領軍攻同州先是河中朱友謙襲陷同州節度使程全暉單騎奔京師友謙以其子令德為同州留後表求節旄不允既而帝慮友謙怨望遂命兼鎮同州制命將下而友謙已叛遣使求援於晉故命將討之九月庚寅以供奉官郎公遠充契丹歡好使晉王遣都將李嗣昭李存審王

建及率師來援同州戰於城下我師敗績諸將以餘衆  
退保華州

龍德元年春正月戴思遠率師襲魏州時晉方攻鎮州  
故思遠乘虛以襲之陷城安而還遂急攻德勝北城晉  
將李存審極力拒守

二月晉王以兵至思遠收軍而退復保楊村

八月段凝張朗攻衛州下之獲刺史李存儒以獻戴思  
遠又下淇門共城新鄉等三縣自是澶州之西相州之

南皆為梁有晉人失軍儲三分之一焉

三年五月以滑州節度使王彥章為北面行營招討使  
辛酉王彥章率舟師自村寨浮河而下斷德勝之浮梁  
攻南城下之殺數千人唐帝棄德勝之北城併軍保楊  
劉己巳王彥章圍楊劉城

六月乙亥唐帝引軍援楊劉潛軍至博州築壘於河東  
岸戊子王彥章杜晏球率兵急攻博州之新壘不克遂  
退保于鄒口

七月丁未唐帝引軍沿河而南王彥章棄鄆口復至楊  
劉己未自楊劉援營退保楊村寨

八月以段凝代王彥章為北面行營招討使戊子段凝  
營於王村引軍自高陵渡河略臨河而還薰璋攻澤州  
下之庚寅命滑州節度使王彥章率兵屯守鄆之東境  
九月戊辰彥章以衆渡汶與唐軍於遞坊鎮彥章軍不  
利退保中都

冊府元龜卷二百十七